

www.BibleForChildren.org

Matiu 1



'Enakaivo ivi'a masapa iropu kwinu pa'are'eme 'ona
oji'ina Kepireriho Godira ranavume Karari vaji ara
natohwa ka'ene Nasaretina 'wavuji roana. Hu
Josapi ka'ene Teviti oni amujijara 'asúra
ka'ene 'wahuni jihuni vu'a apena roana.
'Asúra kajihuni ihijaho Merina.



'Ejumakame 'ona oji'inijara ijá
'wama Meri tea junamujaho arema!
Godiho a maiji ani'ina'e vwišanaana.
'Enakúne hena! A hari'i nenareje
hariha nahene huni ihijaho 'ime
Jesuna 'wa'amana. Hu niho'o
Natohwa rene 'ee Hu maho'o
Ichuto Maijihuni Hariha
'wahuna. 'Ene Godi ka'ene
Natohwijara Teviti oni ruhijaho Hu
mahuna. 'Eje Hu Jekapi oni amuhi
puni Natohwa'e majama rehuna 'ee

Hura kwaa ara ka'ene
'ajo'amajaho niho'o
majama nahuna 'wamana.



Ejume Merira 'ona oji'iniji ijá 'wama
Ijaho ichá'ina'e re'ena? Ijihuni
maijaho na 'asúra 'wamana. 'Ejume
'ona oji'inijara eha vene ijá 'wama
Godoni 'Aveni samahuna. 'Ee
harura ka'ene maho'o
Ichuto Maijihunijara
raorahuna. Ijihuni
hahi Hariha ka'ene
arira maiji
nahe'amajaho
Godoni Hariha

'wahuna.



Ijĩ vea kajino Meriho marako 'urine ara
natohwa Juta vaji kwaa ka'ene
huri'a rukiniji va'ana.
Hu Jakaraiasi oni sei
va'e arume Irisapeti
'ajomana. Vea ka'ene
Merira 'ajomaji
Irisapeti he'eme
hariha huni tea vaja
kajĩ pipijuku'eme
Godoni 'Aveni
Irisapeti oni vaja
ruha apenana.



'Ejume hu ira ajira'e
ijá 'wama A napapuni
vajijino niho'o
merajaha paranana.
'Ee Hariha ka'ene oni
hahi vaji hinujaho
nimerajahana.



Ikaho Jesu Keriso 'unama
ichá'ina ka'ene nahejajina.
Meri ka'ene Jesuni ohijaho
Josapira mwamuna kaivo
pu mai'o pa'wa'ara'eme
Godoni 'Aveni vejume
hu hari'i nenana.
'Enakaivo hu
mwavi'inijaho
Josapina kaivo
Josapiho hu niho'o
'unama arira 'uraha
onuna'omo Meri
juhunijihuna'e masuani
ranama va'iro vwihanana.



Hu hine ijí vwihanani vea kajino Natohwi jihuni ona
oji'ini roe navahi ijá 'wama Josapi ka'ene Teviti
oni harihakera a Meri aheve oni napara
rehunijaho paju'amana. Ijé hu hari'i
nena kajaho Godoni 'Aveni vejume
hari'i nenana.



'Ena'omo hu naheja kamareje ara Huni ihijaho
'imareje Jesuna 'wa'amana kaivo Hura ehwahaka
mapokijihi puni siseijaho ni'ajihe pa'arehuna
'wamana. 'Ejume Josapi tatama 'urine
Natohwi jihuni ona oji'ini 'waramaja
venarena napara kajaho ahemana.
'Enakaivo hu napara kaji'i pa'uraha
o'eme hu hina apena va'o va'o huni
hariha amura kajaho
nahejumakavi'i hu
iha



'ime Jesuna 'wamana.



Ijĩ vea kajino kamati Sisa Aukasitasira
'waravume ea ka'ene hura kwaa ara
ka'ene 'ajohaujija iha
ta'irono ea mapoka nianae
va'avarono
'waramana.



Ea mapoka puni aranejijino iha ve'irono va'ara.



'Ejume Josapi 'u'o Nasareti Karari vaji rene Jutia
ara nathwa Petirihemi ka'ene Teviti oni araneji
va'ana. IjÍ hu va'ajihuni
maijaho hu Teviti oni
amuji jihuna'e
va'ana.



Pu no'o Meri ka'ene hura
'wahuna'e nahama 'waravara
ka'ene hari'i nenaji'i puni
iha ve'irono va'ara.



'Ene pu ijí hijari
vea kajino hura
hariha nahehuni
vea niroa apenana.



'Ejumakame hu ijí huni Hariha ka'ene amurijaho
nahenana. 'Enareja hu apena ateha hwame 'ee hanupo
'iruma ijuri ruhi ranavume
hinana. Ijihuni maijaho pura
ruha ka'ene
hihunijaho



'Ejumakame ea ka'ene sipia 'ajohi'ina
'aho'a kwaa kajino vea kajihuni
na'iiino puni sipia'e 'ajohi'i hijara.



'E'eme Natohwi jihuni 'ona oji'ini roe puni una'i
nami'eme Natohwi jihuni hanaji'inijara pura namija
kajaho hanana apene tauhuhana.

'Ejume pu niho'o



natohwa'e
tea junama
paraniana.



Ona'oji'inijara ijá iama Juvujaho are'ika'i heha! Na
joni vu'a maiu'ina mamaa'e apena routa. 'Ee ijara
veje ja 'ee ea mapoka ka'ene kwaa

araka mapoka
kakino
hijukija
teamanama
parahuna.



Ike iviasi na'iakino Teviti oni ara natohwijino joni
Ni'ajihi'ina nahejara. Hu Keriso ka'ene Natohwijina.



Jara ijí hena kahunijaho ja vai'i kave pu atehi apene
Hariha 'u'ua kajaho hwame hanupo 'iruma
ijuri ruhi ranavu'e hinuna'omo ja
ijí kahuna 'iamana.



Ijá ve'eme ni'aha kwino 'ona oji'ina kajaho 'ee 'ona
oji'ina 'aho'a mapoka mapoka kahi akúpi
'ahi Godi ta'arohe javaa vejara.





Pu javaa ika'ina vejara Godi ka'ene niho'o Ichuto
Maiji huni pinana 'urinu. 'Ene ea ka'ene
Godira iki mwe'i kime teamanamujihi
matauvi'inijaho

mihu 'wame
ta'arohara.



Ona'oji'inijija akúpa 'ahi va'umakivi'i
sipia 'ajohi'inijipo ijá 'wava Roe ma
arira'e Petirihemi va'e ike unekaka
reju'ukame Natohwijara roe nú
'warumuke kava 'wavara.



'Ejume pu marako vai'i kivume Meri ho
Josapi ho Hariha 'u'ua kajaho ijano ijí
hanuhapo 'iruma ijuri ruha kajino hijara.



Vea ka'ene sipia 'ajohi'ini jipuhipu
Hariha 'u'ua kaji kavajaho raka
ka'ene Hariha 'u'ua kaji rona
'waravajaho pu 'waravara.



Vea ka'ene Jesu
Petirihemi Juta
vaji nahejari veijaho
Herotiho Kinia rena
hinana. 'E'eme
ea hami hami

vuihaji'ina vea ajimuja'i hijurepo
Jerusaremi roara. Pu aporama ija
'iava Jua puni Kinia ichi nahejare?
Nu Huni china kama'i vea ajimuja'i
kamareja ijihuna'e nu Hu oja
mahare'e ka'i rou.



Heroti ea ka'ene hami hami
vuihaji'iniji nesi aporame
ijá 'iama Vea rakijiano
ike chinakaho ajimane?
'iamana. 'Enarena hu
pu irechamie ijá 'iama
Ja va'e Petirihemi ike
Harihakaho samu va'o
kamare ona ranave
nuni roe na 'u'o vu'e
Hu oja mahuma
'iamana.



'Ejume pu kini huni vu'a hejume parajume va'eme
china ka'ene vea ajimuja'i ajima roajaho

ajima roe asitaha ruva'e ijí
Hariha 'u'ua kajara hinani
huriji naminana. 'Ene pu
va'e ijí ni'úha kaji aruvi'i
kavajaho Hariha
'u'ua kajaho oaha
Meri'i hinana.



'Ejumakame pu nitupari same oja Hu mahara. 'Ene pu
puni tuja usee swara korutia 'ee senisia 'ee 'werua
vajahara. 'Ejume Godira navahi
'waravume pu kú'o pa'uname
Herotira hinujaho va'i kaivo
pu 'unama ani va'e puni ari
va'ara.



'E'eme Notohwi jihuni ona
oji'ini roe Josapi navahi ija
'wama A iviamaa 'urine
Hariha 'u'uakaho apene 'ee
oaha aheme aseha Ijipiti
va'amana. 'Enareje iji
hi'eje Nara ku'o
'warava henareje iji'a
'unama ro'amana.
Ijihuni maijaho

Herotira Hariha 'u'ua
kaji 'ana'i 'ahau'ukamare'e
sa'iro venukunina 'wamana.



'Ejume ijí na'ia kajiano hu
'urine Hariha 'u'ua kajaho
apene 'ee oaha aheme Ijipiti
va'ana. 'Enarena pu ijino
Ijipiti hi'eme Heroti
kwamana. 'Ejumakame
Natohwijara nitama
poropeti ijá 'waramana
Nuni Hariha Ijipiti

vaji Nara Hu 'umejuta
'iamana.



'E'eme Heroti hina ajihana ea
hami hami vwi haji' inijia hua
pisiviara'e henarena niho'o
ajivume ea 'aho'a irechamie
ija 'iama Va'e Petirihemi
kasima ka'ene mai'o juara
no'ohe'i papa'areji'inijih
'aniha



'iavume va'ara.



Ea ka'ene hua
pisimiajipo 'waravume
henaja'ina'e va'ara.





'E'ejume iji'a Heroti
kwavumakavi'i Natohwi jihuni
ona oji'inijara roe iji Ijipiti
Josapi navahi ija 'wama Ea
ka'ene ike Hariha 'u'uake
'ana'i venajaho
nikwamanakúne a kú'o
'urine Hariha 'u'uakaho
apene 'ee oaha aheme

'unama Isureri
va'amana 'wamana.




'Enakaivo Akireasira
Heroti ka'ene huni
omijihuni tinia
apene Jutia 'ajohuma
henarena
Josapiho

jumana. 'Ejume
Godira navahi ijá 'wama
Karari va'a 'wavume
hu ijí Karari va'ana.




'Enarena hu va'e ara
iha Nasareti hinana.
Hu ijá venajihuni
majaho poropetiepo



raka ka'ene 'waravajija
nimai re'avarono avanana.
Pu ika'ina 'waravara Hu
Nasareti ora 'wahuna 'iavara.



Godi mwe'a kakaho oja niho'o
mahajihuna'e Huni Hariha nikwinuna
kaivo Hu múhana'omo ea irara Hu
nimaa ronujaho hu papa'arehuna
kaivo hu majama hihuna.



Romani 3:23

'Enajihuna'e nú ea mapoka sisea 'ee Godoni
manuriji areria pana.

Romani 6:23

Sisei jihuni 'ehijaho kwamasahuna kaivo Godira swara
ka'ene mamúhajaho Jesu Keriso ka'ene Natohwi jihuni
vaji majama hihuna.

Hipuru 9:27

Emaa kwinu kwino kwamasahuni vea iji pijahu'e
namuna'omo kwamasahareje 'otua vehuna.

Epasasi 2:8,9

Godira maiji vwihanúani vajijino ja nimaa rojajihuna'e
maraniana. Ijaho jara joni harurijino vehuna
pana kaivo Godira swara vene múhana.



Ijaho kaukara'e ja vejakame ijihuna'e veje maranihuna
panakúne ja ea pina jarika pare'amana.

Romani 10:9,10

Ara oni iri Jesuho oni Natohwa 'wa'ika'i Hura kwavume
Godira vejume 'urinaji oni oja vaji nimaa ro'amajaho a
Godoni ea ariramaa rehuna. Ijihuni maijaho ea oja vaji
nimaa ronujaho hu ea ariramaa renuna. 'Ene huni irijino
nahame 'waramajaho hu Godoni ea renana.

Joni 3:16,17

Godi mwe'a kakaho oja niho'o mahajihuna'e Huni Hariha
nikwinuna kaivo Hu múhana'omo ea irara Hu nimaa
ronujaho hu papa'arehuna kaivo hu majama hihuna.
Godi Hariaha ranavume iki mwe'i 'otua pave'i roana kaivo
mwe'akara huni vaji mara'amarono roana.



1 Joni 5:11-13

Iraka ka'ene 'warumajaho ikena. Godi majama hihuna mûhana 'ee ike majama hihunakaho Huni Harihi jihuni vajina. Ea irara Huni Harihiji apenujaho hu majama hihuna kaivo ea irara Godoni Harihiji papenujaho hu majama hihunijaho papenu. Ike raka ka'ene na vejukaho ja ea irahipo Godoni Harihi jihuni ihiji nima rojujihi puna'e veju. 'Ejakame ja majama hihuna ka'ene apejaji hena ka'avarono veju.



Matiu 1-2; Ruku 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Ese Bible (mcq) © 1999, Wycliffe Bible Translators, Inc.
All rights reserved.

<https://live.bible.is/bible/MCQSPP/MAT/1>

©2026 Bible for Children, Inc.

www.M1914.org

www.bibleforchildren.org

